



XURADO PROVINCIAL DE MONTES VECIÑAIS EN MAN COMÚN.

Expediente nº: 2/2003.

ID: 694

RESOLUCIÓN

**PRESIDENTE:**

*D. Luis González Vázquez*

**VOCAIS:**

*D. Miguel Angel Cela González*

*D. Emilio Sánchez Coto*

*D. José Antonio Illán Torrón*

*D. Manuel Veiga Franco*

**SECRETARIO:**

*D. Carlos Fernández Valdivielso*

Na cidade de Lugo, o día oito de xuño de dous mil catro, o Xurado Provincial de Montes Veciñais en Man Común, constituído polas persoas que á marxe se relacionan, reunido na sala de xuntas da Delegación Provincial da Consellería de Medio Ambiente, adoptou a seguinte **RESOLUCIÓN:**

Visto no día da data o expediente número 2/2003 para a posible clasificación como veciñal en man común do monte **ORGOSO**, no concello de **MONTERROSO**, iniciado por acordo do Xurado do 11 de xuño de 2003, sendo vocal instructor **D. MANUEL VEIGA FRANCO**, e resultando os seguintes:

ANTECEDENTES DE FEITO

**PRIMEIRO:** Aceptado o cargo polo vocal instructor (coa data do 21 de agosto de 2003), iniciouse o expediente número 2/2003, (a instancia de **DON RAUL VARELA SOTO** e dez veciños máis, a través do Concello de Monterroso) poñendo como encabezamento do mesmo a certificación da **ACTA** da sesión do Xurado, na que se acorda a iniciación do expediente e o nomeamento do vocal instructor.

**SEGUNDO:** Coa data do 1 de setembro de 2003, recabouse do Servicio de Montes e Industrias Forestais na Delegación Provincial da Consellería de Medio Ambiente, certificación relativa a se o monte de referencia figura incluído ou non no catálogo dos de Utilidade Pública da provincia de **LUGO**.

**TERCEIRO:** Coa data do 1 de setembro de 2003 (registro de saída número 109.849, do día 2 do mesmo mes e ano), solicitáronse do **Rexistro da Propiedade de Chantada** os documentos seguintes:



1º) certificación dos asentos que poidan afectar ó terreo en cuestión e que acredite o nome das persoas a favor das que estea inscrito, expresando título de adquisición, liberdade de gravames ou cargas de calquera clase inscritas ou anotadas e que estean vixentes na actualidade segundo os asentos; e

2º) certificación de se algunha das devanditas cargas fora obxecto de transmisión ou estivese afecta a algunha responsabilidade, e as limitacións de dominio e condicións ou accións resolutorias ou rescisorias que estean vixentes na actualidade.

**CUARTO:** Coa data do 15 de setembro de 2003, recibíuse certificación do Rexistro da Propiedade de Chantada, na que se fai constar que o monte **ORGOSO** tal e como se describe na solicitude do Xurado Provincial de Montes Veciñais en Man Común de Lugo, non figura inscrito nese Rexistro.

**QUINTO:** Coa data do 18 de setembro de 2003, recibíuse certificación do Servizo de Montes e Industrias Forestais na Delegación Provincial da Consellería de Medio Ambiente, na que se fai constar que o monte **ORGOSO** non figura incluído no catálogo dos de Utilidade Pública da provincia de **LUGO**.

**SEXTO:** Coa data do 14 de outubro de 2003 (registro de saída número 131.972, do día 17 do mesmo mes e ano), remitiuse **EDICTO** para a súa publicación no **D.O.G.**, poñendo en coñecemento de tódolos interesados a iniciación do expediente, co fin de que puideran comparecer e intervir nel, na defensa dos seus dereitos e intereses.

**SETIMO:** Coa data do 21 de outubro de 2003, comunicóuselle ó Servizo Provincial de Montes e Industrias Forestais na Delegación Provincial da Consellería de Medio Ambiente, a iniciación do expediente.

**OITAVO:** Coa data do 21 de outubro de 2003 (registro de saída número 134.348, do día 22 do mesmo mes e ano), comunicóuselle ó Rexistro da Propiedade de Chantada a iniciación do expediente e solicitouse **ANOTACIÓN PREVENTIVA**.

**NOVENO:** Coa data do 21 de outubro de 2003 (registros de saída número 134.342, do día 22 do mesmo mes e ano), comunicóuselle ó concello de **MONTERROSO** a iniciación do expediente e remitíronselle **EDICTOS** para a súa colocación no taboleiro de anuncios do concello, nos lugares de costume e nos asentamentos dos lugares e parroquia ós que pertence o devandito monte.

**DÉCIMO:** Coa data do 21 de novembro de 2003, aparece publicado o **EDICTO** no **D.O.G.** número 227, páxina 14.439, polo que se pon en coñecemento público a iniciación do expediente de clasificación do monte **ORGOSO**

**DÉCIMO PRIMEIRO:** Coa data do 11 de decembro de 2003 (registro de entrada número 205.380 do día 15), recibíuse certificación do concello de Monterroso, na que se fai constar que o **EDICTO** estivo exposto no taboleiro de anuncios dese concello durante o prazo de 30 días (desde o día 29 de outubro de 2003 ata o 9 de decembro).

**DÉCIMO SEGUNDO:** Coa data do 19 de xaneiro de 2004, recibíuse comunicación do



Rexistro da Propiedade de Chantada, na que se fai consta-la anotación preventiva feita polo mesmo (anotación letra A, predio 12.605, libro 89 do concello de Monterroso, folio 130, tomo do arquivo 727).

**DÉCIMO TERCEIRO:** Coa data do 15 de marzo de 2004 (rexistro de saída número 35518, do día 16 do mesmo mes e ano), comunicóuselle ó alcalde pedáneo ou de barrio da parroquia de Fufín, no concello de Monterroso, o dereito da comunidade de veciños á elección de dous representantes, que poderán asistir ás reunións do Xurado nas que se estudie o expediente do monte **ORGOSO**, (con voz pero sen voto).

**DÉCIMO CUARTO:** Coa data do 23 de marzo de 2004, dáse traslado das actuacións practicadas no expediente ó Servicio de Montes e Industrias Forestais, solicitándolle informe sobre o aproveitamento do monte.

**DÉCIMO QUINTO:** Coa data do 30 de marzo de 2004, emítase nota interior polo Xefe do Servicio de Montes e Industrias Forestais, informando sobre a posible clasificación do monte.

**DÉCIMO SEXTO:** Coa data do 5 de abril de 2004 (rexistro de entrada número 76245), recibíuse comunicación da comunidade de veciños da parroquia de FUFÍN, concello de MONTERROSO, na que como vocais representantes no Xurado pola comunidade implicada no procedemento, resultaron elixidos os seguintes veciños:

- DON RAÚL VARELA SOTO
- DON ELISARDO COTO CABANA

**DÉCIMO SÉTIMO:** Non se recibiu alegación algunha, en contra da clasificación.

#### ***FUNDAMENTOS DE DEREITO***

1º.- O Xurado Provincial de Montes Veciñais en Man Común ten competencia e xurisdicción para coñece-lo expediente, séndolle atribuída tal competencia polo artigo 9 da Lei de Galicia 13/1989, do 10 de outubro, de Montes Veciñais en Man Común.

2º.- Realizadas as oportunas comprobacións sobre o terreo, en consonancia coa investigación previa realizada polo Enxeñeiro de Montes encargado da mesma, e tendo en conta que os aproveitamentos que se veñen realizando no monte obxecto deste expediente son de tipo comunitario considérase que o monte **ORGOSO** reviste o carácter de veciñal en man común conforme ó disposto no artigo 1 da devandita Lei.

Vistos os antecedentes de feito e os fundamentos de dereito anteriores, o Xurado Provincial de Montes Veciñais en Man Común, **RESOLVE:**

**CLASIFICAR** como veciñal en man común o monte das seguintes características:

Nome: **ORGOSO.**  
Pertenza: veciños da parroquia de Fufín.  
Parroquia: Fufín  
Concello: Monterroso



Superficie: 6,50 hectáreas.

**Estremas:**

**Norte:** Predios particulares

**Leste:** Predios particulares e monte veciñal en man común de San Pedro de Vilanova


**Sur:** Monte veciñal en man común de San Pedro de Vilanova

**Oeste:** Predios particulares e monte veciñal en man común de San Pedro de Vilanova.

**Descrición do perímetro:**

Comeza no Alto do Pico, cunha altitude de 656 metros sobre o nivel do mar. Segue, en liña recta, en dirección Sureste uns 740 metros, deixando ó Norte os predios particulares que foron obxecto de partición, ata chegar a un marco. A partir de aquí, o límite está pouco craro, toma dirección sur, e sube mais ou menos recto ata o alto de Monte Agudo (636,6 metros segundo a cartografía da C.P.T.O.P.V.), deixando ó Leste o monte veciñal en man común de San Pedro de Vilanova. Desde este punto segue o límite do monte dos veciños de Vilanova, en dirección suroeste ata chegar ó punto de partida.





	<b>CONSELLERÍA DE MEDIO AMBIENTE</b> DELEGACIÓN PROVINCIAL DE LUGO Servicio de Montes e I.F.
	<b>Monte "ORGOSO".</b>
Superficie de la que se propone su clasificación S = 65	E = 1 : 5.000 Lugo, marzo de 2003 El Ingeniero Montes 